

**Aulatyutit Nunalivut 2018 pitquhiliqutaungittuq nainaqhimayuq
NPC File #148656**

Aulatyutit Nunalivut tamna nunagiyauyumun aulatyutit havagiyat ukiuq tamaat taimangat 2007 tahamani Kanataup Ukiurtaqtuani. Tapkuat tamaita tugagat pivaliqtitninit tapkuat Kanatamiuni Anguyaktit (CAF-kut) ilihimani pilaqnitlu aulaninik tikittigittuni inigiyaini akhurnaqtutlu avatigiyaitand, huli pipkaqhugit tapkuat CAF-kut takupkaqni pilarniqtik atuttiaqtumik hugiaqnit hivuganaitninit nautiumatainutlu pityutit tahamani Ukiurtaqtumi. Aulatyutit Nunalivut 2018 (Op NU 18) havagiyauniat kamayiqaclutik nunanut, tagiuplu hikuagut, immap iluagut, qangatayunilu. Op NU 18 ilaqaqniat mikhaani 300 CAF-kut havaktit.

Op NU 18 atuqtauniaq talvanga 23 Fibruari tikitlugu 19 Matyi, 2018 tahamani Kitikmeotni (Ikaluktutiak avataanittutlu nunat) tamnalu Qikiqtaalukmi (Qauhuittuq avataanittutlu nunat).

Haniani Ikaluktutiak, tamna Kanatamiuni Anguyaktit anguyaktigiyai tapkuatlu Royal Kanatamiuni Tagiuqni Anguyaktit (RCN-kut) aglugaqtit havaqatigit ikayuqtauniat ilauyunit tapkunani 1 Kanatamiuni Unataqtukhagalaat Ilagiit (1 CRPG-kut) tapkuat lkatitlugit mikhaani 90 havaktit. Munaqhiyut tapkuatlu aglugaqtut aulatyutai havagiyauniat tagiup hikuani. Tapkuat qaqtuqnut hiqugaqnit parnagutauyuq atuqtaunikha tahamani tagiup hikuani.

Qauhuittumi, tamna Kanatamiuni Anguyaktit ilagiit ikayuqtauniat ilauyunit tapkunanga 1 CRPG-kut katitlugit mikhaani 90 havaktit. Munaqhiyut havagiyauniat tagiup hikuani tahamani haniani Qauhuittuq, atuqni ilihagut ukiurtaqtumi annaumaniqmun ayuitninit. Tamna qaquyuliknik hiqugarniq parnagutauyuq atuqtaunia tagiup hikuani. Tamna Havat Havakti Ataniqaqvia pinguqtauniaq talvani Qauhuittuqmi piqaqniaq mikhaani 20 ilauyut ilagiaqlutik 40 ikayuqtikhat havaktinik.

Tamna Timinga Nunaqyuaqmi Anguyaktit / Kanatamiuni Anguyaktit atuqpiagahuaqtai tahaphumunga avatigiyauyumun. Tamaita piqatauyut talvani Op NU 18 havaktitniaqtai avatiliqutinut pittiaqnit nakuuniqhamiklu aulataunit pitquhiit atuqpiagiangi tahamna nuna aktuanguangitanga.